

106.

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA*,

QUOD LIBETARIIS DISPUTATIONIBUS,

manè discutienda in Scholis Medicorum, die Jovis sextâ mensis Februarii,
anno Domini MDCC. LXXVII.

MAGISTRO HENRICO-ALEXANDRO TESSIER;
Clerico è Societate Medicâ Parisiensi, pro Epidemiis institutâ Doctore Medico
Præfide.

An perspirationi & sudori cæteræ excretiones vicariæ?

I.

CORPORIS involucrum cutis est. Hæc autem constat *epidermide*, corpore reticulari, cute propriè dictâ. *Epidermis* squammulis lamellisque cohærentibus instructa, ex ductuum *excretoriumum*, vel papillarum *nervearum* reflexis finibus, vel ex utrorumque simul constat. Creberrimis pertunditur foraminibus; plicis tum amplioribus, ut in volis manuum plantisque pedum, tum minoribus, regulari fere ubique tractu excurrentibus exaratur. Cuticulæ, nexu satis firmo, hæret corpus reticulare, exilibus textum *fibrillis*, in sensû exquisitoris partibus, apicibus videlicet digitorum & linguâ, maximè conspicuum. Foraminibus quoque pervium est retis in modum factis, quibus pilos transmittit, cutisque *nerveas* papillas totidem, quasi retinaculis, coercet. Corpori reticulari cutis subjacet, inæqualiter, ut duæ superiores membranae, diversis in locis crassa, *epidermidisque* instar variis sulcata plicis. Intricatissimo fibrarum *tendinearum* plexu deprehenditur compacta, sebaceis & *miliaribus* resperfa glandulis. Illam numerosissimi perreptant vasorum omnis generis furculi; horridulam quasi reddunt, in linguâ præsertim & extremis digitis, maximè spectabiles *nerveæ* papillæ; aëris aliquando in subjectam adipem radicibus, pili perforant; meabilem faciunt numerosa adeò diversæ magnitudinis foramina, ut, sub uno sabuli grano, 125000 latitare posse affirmaverit Leeuwenhoek. Per ea *transpirationis* & sudoris erumpit, præparationis gradu diversa, materia. Hinc *perspirare* & sudare perinde non est. Sudor cruditatis, non tamen, etiam in statu sano, spernendus index; *perspiratio* tritus conamen ultimum. Utriusque materiam constituit sanguinis aquosa pars, Hippocrati *πρωτὴν ὀσμὴν*, quæ chylo primum immixta, cum partes alibiles ubique deportaverit, partibus post nutritionem superfluis, à sanguine per varias portas eliminandis, iterum vehiculo est. Hæc quidem materia, non per glandulas Stenonis aut Malpighii; sed per arteriarum *lymphaticarum*, cutem undique perreptantium, ramulos fecernitur. Huc nempe allahentis sanguinis *fibrosa* g'obotaque pars, ut quæ crassiores, exilissimas canaliculorum diametros subire nesciunt; sed in venas resumunt amant, dum pars tenuior, per fitos à latere ductus *excretorios*, abripi se patitur, extra corpus; modò sub hæc, modò sub illâ specie eliminanda. Materię si copia iusto major affluit, ut fit post lautiores epulas, vel satif

* Authore M. MICHAËLE-PHILIPPO BOUVART, 1737.



est vaporum fibræ, quod post immodicum laborem solet, sub guttularum sensibilibum formâ exprimitur, & sudor est; si verò sua stat vasis elastica *duclitas*, moderataque adest elaborandi succi Odore, tunc tenuis halitûs visum fugientis speciem induit, & *perspirationum* nuncupatur effluuium: Unam hanc *vacuationem* ceteris simul sumptis superiore, ratione assumptorum, esse ut 5 ad 8; *Santorianis*, sub cælo Italico habitis, experimentis constat. Ipsam autem, ut & sudorem, aliis excretionibus pensatis quis dubitabit, si illæ in tantum augeantur, in quantum sudori aut *perspirationi* detrahuntur

II.

QUOMODO se habeat utraque cutis excretio cognovisse parum est, nisi ad *summicis* conflamur partibus. Solidas alias, alias fluidas nuncupant. Alternò nix sic agunt, ut utraq; non iniquo Marte concurrere dixeris. Sic vita perpetua, geminum inter elatum haud licet, nec moveri datur quin aliquid à nobis secedat. Hinc mortis brevi causâ fieret, qui vita fons est, motus, nisi hujus perennitate detritis partibus, per nutritionem, fuisset prospectum. Hæc autem quò feliciter absolvetur, patere debuerant fores, per quas, si quid à solidis abrasum, si quid in fluidis vel superflui, vel ad nutriendum inhabilis occurreret, illud omne, excretum à corpore, recentioribus alibilibusque succis melius occupandum relinqueret spatium. Non in alium sanè finem hiant cutis spiracula, canalesque *excretorii* quorum ope fluit utraque excretio. Si debito tempore & modo procedant, benè est. Hoc pacto sanguis ab inutilibus purgatur recrementis; unde fluidior factus, leviori, per arterias & venas, itque reditque cursu. Inutilibus expedita succis vasa alacrius operi vacant: felicior fit humorum, per varia incernicula, derivatio. Quin & ipsa mens, aliàs quidquid errat corpus miserè plecti solita, aptior evadit ad operandum. Salutifera verò minuantur effluvia, nec ipsorum aliundè pensetur defectus, omnia in pejus ruere. Impurus, nec benè subactus, sanguinem inficit latex; idcirco male torpet iners corpus, iniquo pondere solidorum vis oppressa gemit; hinc succorum, variis in locis, *stases*, coagula, *decubitus*, mille morborum semina. At, at solanne per cutem, morâ suâ, nocituri humoris utilis jactura fieret, nec nullis aliis organis, tot commoda præstare, tot ærumnas antevertere concessum foret?

III.

MI NIME. Non tritam semper culcat natura viam. Per insolitum aliquando traxit mitem molitur iter. Illam altius scrutare; pecudum reclusis pectoribus inhians exta spirantia consule. Odore teste, iudiciis nonnunquam oculis, ex calentibus visceribus effertur, ab effluvio *perspiratorio* quàm parum abluens, vapor! Ex quolibet viscere exprimi potest sudori genuino proximus latex. At, ne latius excurramus, pulmonem imprimis respice quàm egregiè cutis emundatoria imitantem! Arteriis *excreticibus*, totus quantus est, mirum in modum dispergitur, extremis ossiis, vel poris lateralibus in ejus cavo undique apertis. Valcula hæc, non fecus ac *cutanea*, à quosum segregant laticem partibus à nutritione superfluis onustum, segregando terunt, tritum in vesiculas eruclant. Humor ille, si suum stet pulmonariis fibris robur, ultimum nactus tenuitatis gradum, per os expiratione pellitur, æstate præsertim, oculorum aciem ludens. Quale *perspirationis* insensibilis exemplar! Si contra liquoris ejusdem quasi diluivio merguntur vascula, horum diductis & madentibus fibris minuitur tonus; indè minus tritum, molliùsque quam par est verberatum liquidum effluit intra vesiculas; ibique guttulae unita guttula in sputum coit. Quid quæso illud est nisi sudor est, aut sudori proximum? Neque id soli tribuas pulmone; sinus etiam emititur ventriculo vapor & *ros gastricus*, sui intestinorum opplent latebras sumi subtilis, sui eas, ploratu jugi, madefaciunt mucosi latices. Quidquid ex renum colis in pelvim decidit, sive id sub tenuis halitûs specie clam exsiliat, sive stillando in aquæ rivulos consuat, vel à *perspiratione*, vel à sudore, quid discerepat? Urinam & sudorem, trutinante quasi linguâ,

confer & explora: liquorem utrumque principis ex iisdem conflatum dicis, saporem adeo similem, salium, *subacrem*, *suboleosum* exhibent. Nulla ferè non in parte totidem indubitata reperies *perspirationis* aut sudoris pignora. Percurre mesenterium, pleuram, pericardium, oris glandulas, membranam *pituitariam*, partesque universas. Nullibi non aderunt vasa *excretoria*, nullibi non sanguis, nullibi non tritus jugis & pressio. Ubicumque succi effœti & inutiles ex communi sanguinis fluente eliminandi: ubicumque igitur sudoris & *perspirationis* imagines. Nec sibi solis adeo ex dictis organis pleraque succis inutilibus excernendis allaborant, quin *perspirationis* utriusque tardatæ vicibus supplendis pares sint, & tantò majorem materię hujusce quantitatem eliminant, quantò minorem cutis emittit.

I V.

HÆC vita quam agimus veluti mare est in quo, si benè calculum ponas, ubique naufragium imminet. Sua cuique ætati, sexui, temperamento, conditioni, lethifera pestis. At commune omnibus ab inhibita *perspiratione* terriculum. Vel levissimo frigidioris auræ in minimam partem afflatu stringuntur cutis ostia, strictæ vicinas, vicinæ proximæ ad se trahunt partes; sic tota tandem cutis in consensum vocatur. Hinc nulli certè sua per diem solidum stare sanitas, nulli superfluis intra vasa impunè cohiberetur humor, nisi à *per. pherid* ad centrum pulsus per interiora sibi quæreret effugium. Quomodo verò se res habeat, tene. Arctatis quavis de causâ cutis ostiis, imminutisque vasulorum huc tendentium diametris, qui appellit humor, obsesto repagulo, hæret obicem pone sequenti positurus; novissimus in hunc allidit, qui veluti refluus, quâ minis resistitur, ut in physicis æquum est, quærît iter. Idcirco ad internas partes blando tepentes calore, cute constrictâ molliores, ceu patientiori receptus alveo, vertitur, quæque data porta effluit. Non aliâ de causâ, instante hyeme, materię per cutem *exhalabilis* pars in pulmonem repellitur. Indè, depresso thorace, efflatur sub fumosi vaporis formâ oculis idè obvii, quod effluvia densata sint, & per vicus unicuique exeat ea materię pars, quæ si per cutem universam eliminaretur, oculis futurum faceret. Senes minis *perspirare* arguit iners corii ariditas, fursuraceaque ejusdem desquamatio, quæ nihil est nisi *perspirationis* materia extremis morata canaliculis. Defectum hunc in illis pensant major, quàm in junioribus, mucii per nares, per oculos lacrymarum, salivæ per os, per vesicam urinæ, fecum per intestina excretio. Phlegmaticis, præ molliori partium solidarum structurâ, minis perspirantibus, uberior undique pituitæ proventus. Biliofis contraria evenire dubitat nemo. His ut partium est deurens siccitas flammeaque sanguinis *crasis*, ita inexpletus edendi amor: ut fibra agilior fluida crebrioribus quatit ictibus & comminuit, ita copiosa *perspiratio*, ita sudor raris, ita urinæ fluxus paucus & infrequens, quidquid alvo dejicitur, id pigrè parèque admodum. Quid verbis opus? Cutis densitas, alvi laxitas & vice versâ. Frigore externo corrugatâ cute, diarrhœas se correptum quis pluries non est expertus? Cui, ob sudorem suppressum, solitò copiosius urina non fluxit? His de rationibus quibusdam siccis ore & naribus vivere vix datum est. Sic quas tandem, propter delicatulum corporis habitum, minis *perspirabiles* fecit natura feminas, fluxui menstruo obnoxias reddidit. Hinc diuturnâ meditatione & experienciâ nixus Sanctorius, *perspiratione* immutâ, sensibiles augeri excretiones pronuncia vit, nisi fortè accidat cachexia vel febris.

V.

PERSPIRATIONIS igitur & sudoris materiam aliquando per inassueta ferri incernicula dubitet nemo: neve quis objiciat, alia esse *perspirationis* & sudoris, alia cæterarum excretionum organa; unde, pro structuræ varietate, dissimiles debeant secernere succo: ex sanguine. Sic, inquires, quæ cola urinam, non item sudorem segregare apta nata sunt. Esto, à sudore discrepet urina. At tantine est discrepantia? Oleum, sales, terram crassiores continet urina, tenuiores sudor. Cum igitur renes secernant liquidum crassioribus fecum partibus, quid mirum si tenuioribus? Verum refert, per-

gis, quâ viâ natura nocituros humores pellat, *vacuationes*que omnes, ex Hippocrate; fieri debent per loca convenientia. Quis negat? At quid naturæ convenientius est, quid familiare magis, quam ut, oclusâ hâc viâ, per illam abjiciendis humoribus pareret exitum? Sic febres easdem vel sudoribus copiosis, vel largo alvi profluvio, æquali tamen cum ægri bono, judicat. Sed ex hâc ipsa, instas, crifum diversitate, diversa morbificæ materiæ indolis, diversum te prodit morbi genium. Rem acu non tangis, petito ex *Symphilitæ* exemplo, melius intelligendam. Unam eandemque esse, in omnibus, Venerei *miasmus* conditionem diffitetur nemo. Per diversas tamen portas, unâ cum humore infecto, venenum hoc anandari posse non dubium. Imò quidam hâc lue inficiuntur, quibus, ob fœda oris ulcera, aut erosa carie palati ossa, *pyralismum* immoderatum cedere piaculum foret. In tali rerum statu, etiam si natura morbi solutionem per oris glandulas moliat, materiæ morbificæ partem non minimam per cutem, alvum, vesicam, datâ operâ, nec sine successu, daturbat prudens Medici tolerantia. Hinc patet unum eundemque liquorem, lympham putâ veneno infectam, per diversas admodum vias colari posse. At *perspiratio* & sudor nobiliores in partes convertæ morbis sæpè gravissimis causam præbent: in pulmonem catarrho, in membranam *pituitariam coryzæ*, in intestina diarrhœæ, in renes *nephritidi*. Quid mirum? Sed est modus in rebus; si copiosius irrumpat materia, si ipsius diutius duret affluxus, concedimus; si minus, ad eò non morbi periculum avertit, ut contra prævertat. Ex his concludimus:

Ergo perspirationi & sudori ceteræ excretiones vicaria.

DOMINI DOCTORES DISPUTATURI.

M. Joannes COLOMBIER.	M. Henricus RAYMOND, Regis exercituum in Insulâ Corsicâ Medicus.	M. Stephanus POURFOUR DU PETIT, Scholarum Professor Designatus.
M. Joannes - Carolus DESES-SARTZ, Saluberrimæ Facultatis Decanus.	M. Carolus-Nicolaus D'ESLON, Chirurgia Gallico Idiome Professor Serenissimi Comitis Aircbaum Medicus ordinarius.	M. Paschasius BORIE.
M. Joannes-Baptista LANGLOIS.	M. Antonius-Joannes-Baptista-Maclovius GUENET, Chirurgia Gallico Idiome Professor Designatus.	M. Ludovicus PATHIOT.

proponerat Patris JOANNES - BAPTISTA - JOSEPHUS THÉRY, Aircbatensis, Saluberrimæ Facultatis Parisiensis Baccalaureus, A. R. S. H. 1777. A SEXTA AD MERIDIEM.